

## KENYATAAN MEDIA

### PEMERIKSAAN KENDERAAN ANTARA INTIPATI PROGRAM ASEAN TRANSPORT FOCAL POINTS NETWORK ANJURAN MIROS-WHO

**KUALA LUMPUR, 27 NOVEMBER 2023** – Institut Penyelidikan Keselamatan Jalan Raya Malaysia (MIROS) dan Pertubuhan Kesihatan Sedunia (WHO) dengan kerjasama Puspakom Sdn Bhd (PUSPAKOM) telah menganjurkan program “**ASEAN TRANSPORT FOCAL POINTS NETWORK**” di Hotel Dorsett, Kuala Lumpur pada 20-22 November 2023. Program ini merupakan penganjuran kali pertama yang diadakan di Malaysia dengan kerjasama daripada pihak WHO dan penyertaan di kalangan wakil negara ASEAN yang terdiri daripada Kementerian Pengangkutan (MOT) dan agensi kerajaan yang berkaitan dengan penggubalan undang-undang, khususnya yang melibatkan kenderaan dan jalan raya di negara masing-masing.

Objektif utama program ini adalah untuk meningkatkan kesedaran, mempromosikan keselamatan serta memberi pendedahan kepada negara ASEAN berkaitan instrumen undang-undang keselamatan jalan raya yang digariskan oleh Pertubuhan Bangsa-Bangsa Bersatu (PBB) agar ianya selari dengan Komitmen Agenda Pembangunan Lestari 2030 dan Pelan Global Dekad Tindakan untuk Keselamatan Jalan Raya 2021–2030 yang telah diwujudkan oleh PBB.

Program ini turut menjadi satu inisiatif kerjasama bersama PUSPAKOM yang memberi tumpuan khusus pada pemeriksaan kenderaan. Ia bertujuan untuk mengukuhkan komitmen bersama bagi meningkatkan piawaian keselamatan dan kualiti kenderaan di seluruh rantau ASEAN. Penglibatan PUSPAKOM ini mencerminkan komitmen teguh mereka dalam memenuhi keperluan untuk meningkatkan keselamatan kenderaan, tidak hanya di Malaysia tetapi juga di negara-negara ASEAN. Selain itu, penganjuran program ini juga diharap akan membuka peluang kepada Malaysia selaku peneraju utama dalam usaha penyelarasan undang-undang pemeriksaan kenderaan di rantau ASEAN bagi memudahkan perjalanan rentas sempadan.

Penganjuran program antarabangsa ini secara tidak langsung dapat mempromosikan dan mengetengahkan Malaysia sebagai sebuah negara ASEAN yang telah menggunakan *1968 Convention on Road Signs and Signals* dan juga *1958 Agreement concerning the Adoption of Harmonized Technical United Nations Regulations* sejak tahun 2006.



Majlis pelancaran program ini dihadiri oleh Professor Dr. Wong Shaw Voon, Pengerusi MIROS; Dr. Nanh Tran, Ketua Unit Keselamatan dan Mobiliti WHO; Ir. Ts. Azhar bin Hamzah, Pengarah Pusat Penyelidikan Perubahan Tingkah Laku Pengguna Jalan Raya MIROS; Ts. Zulhaidi Mohd Jawi, Pengarah Pusat Keselamatan Kenderaan dan Biomekanik MIROS dan Ts. Dr. Ahmad Zahiri Ismail, Ketua Bahagian Operasi PUSPAKOM.





## TAMAT

Dikeluarkan oleh:

Unit Korporat dan Pengurusan Ilmu  
Institut Penyelidikan Keselamatan Jalan Raya Malaysia (MIROS)  
Lot 125-135, Jalan TKS 1, Taman Kajang Sentral, 43000 Kajang, Selangor  
T: 016 – 415 4707 | E: nuursakinah@miros.gov.my